



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Nicolai Mazzotta *theologia moralis***

omnem rem moralem absolutissime complectens

**Mazzotta, Nicolò**

**Augustae Vindelicorum & Cracoviae, 1756**

§. II. De Forma Baptismi.

**urn:nbn:de:hbz:466:1-41004**

sitate licitum erit his modis baptizare, quando scilicet non possit alio modo tuncius baptismus conferri, & periculum sit, ne homo moriatur sine baptismō. Quarto, si perfundatur aqua homo vestibus, corio, vel utre correctus, quin aqua tangat immediate corpus, non valet baptismus, quia non homo, sed vestes, aut indumentum abluitur: Bonac. Laym. Pal. loc. cit. idem sentit ex communi Bonac. de abluto tantum in capillis, & de infante recenter nato, & adhuc pelle secundina circumdato, qui abluatur tantum in pelle secundina, quia nec capilli, nec pellis secundina est pars corporis. Sed probabiliter, ut sentit Castrop, n. 7. & 8., oppositum docent Vasq. Tol. Val. Con. & Laym. unde solum in necessitate, ut nuper dictum est, licitum erit sic baptismum conferre.

## §. II.

## De Forma Baptismi.

**F**ORMA Baptismi, qua Ecclesia Latina utitur, hæc est: *Ego te baptizo in nomine Patris, & Filii, & Spiritus Sancti, & manifeste colligitur ex illo Matth. cap. ult. Docete omnes gentes, baptizantes eos in nomine Patris, & Filii, & Spiritus Sancti. Ita omnes Doctores. Ex quo manifeste sequitur, quatuor necessario exprimenda esse in forma baptismi: Primo personam baptizantem: Secundo baptizatum, Tertio actionem baptizandi: Quarto Unitatem, & Trinitatem Divinarum, Personarum.*

Circa primum, quamvis necessario exprimenda sit persona baptizans, non tamen est necessaria formalis expressio, sed sufficit implicita, ut manifeste probat usus Graecorum recte, ut omnes Catholici docent, baptizantium, sub ea forma, *Baptizetur*, vel, ut ait Croix, *Baptizatur servus Christi in nomine Patris, &c.* Hinc valeat certo baptismus, si in forma Ecclesiæ latine omitatur pronomen *Ego*, dicendo *Baptizo te, &c.* quia in verbo *Baptizo* fatis significatur pronomen *Ego*; imo dicti pronominis omissione non videtur venialeculpam excedere, secluso contemptu: Pat. Sot. Vasq. Com.; quod intelligendum etiam est de omissione particulae *in, & amen.* An autem valeat baptismus collatus sub hac forma, *Baptizat te Deus, vel Christus; vel Baptizeris a Deo,*

*Deo, vel Christo?* est dubium. Negat Vasq. Affirmat Sot. Suar, Con. Laym., quia tali forma, stante actione baptizandi posita à Ministro, sufficienter exprimitur persona baptizans, ita ut sensus illius formæ sit: *Baptizet te Deus per me actionem baptizandi exercentem;* v. Pal. n. 3. & 4.

Alterum requisitum est expressio personæ baptizandæ; si enim illa neque speciatim, neque generatim exprimitur, forma non habet sensum determinatum, & consequenter baptismus non valet: ut si dices, *Ego baptizo, in nomine Patris, &c.* Advertendum hic est, unitatem numericam baptismi potius desumi ex unitate personæ baptizandæ, quam ex unitate baptizantis: hinc, si sub unica forma prolata in numero plurali, *Ego vos baptizo, &c.* plures ablueres (quod solum in necessitate licet) plures baptismos conficeres, quia plures essent ablutiones, & forma, quamvis phycice, & formaliter sit unica, virtualiter tamen est multiplex. Contra vero, si plures Ministri simul abluerent, & debita intentione simul proferrent formam supra unam, eandemque personam, unus conficeretur baptismus. Ut autem valeat baptismus collatus uni à pluribus Ministris, debet ex his unus independenter ab alio intendere baptismum illius; nam, si unus intendat confidere Sacramentum dependenter ab alio, non conficitur Sacramentum, quia mutatur sensus formæ à Christo institutæ; non enim esset tunc verum, te baptizare, sed te cum alio baptizare. Ita D. Th. Con. Vasq., Val. Suar. Bellar. Bonac. Laym, apud Pal. n. 7.

Tertium requisitum est expressio actionis abluerendi provenientis à legitima intentione faciendi rem sacram institutam à Christo: quæ intentio satis exprimitur, si actus abluerendi exprimatur sub invocatione Trinitatis. Necessestas autem hujus requisiti, & simul primi, & secundi jam explicati constat nunc etiam ex propositione 27. præscripta ab Alex. VIII. *Valuit aliquando Baptismus sub hac forma collatus, in nomine Patris; &c. prætermis illis, ego te baptizo.*

Quartum, & præcipuum requisitum est expressiotum Unitatis Naturæ, tum Trinitatis Personarum Divinarum. Exprimitur Unitas sufficienter per ly *In nomine,* exprimitur Trinitas, dum additur, *Patris, &c.* Hæc Unitatis, & Trinitatis expressio debet esse explicita, & formalis, ut constat ex cit. Matth. loc. *Baptizantes. &c.*

Hinc

Hinc invalidus est, & semper fuit baptismiss collatus in nomine Christi; quare, dum in *Act. Apost.* dicuntur Apostoli baptizas in nomine IESU Christi, id non intelligendum est, quatenus omiserint Patrem, & Spiritum Sanctum, sed quatenus baptizaverint *In nomine Patris, Et Filii Iesu Christi, Et Spiritus Sancti*: aliter, cum Paul. i. ad Corinth. ii. dixerit, omnes baptizatos esse in uno Spiritu, colligi hinc recte posset, quod baptismus ministratus fuerit, uno invocato Spiritu S. absque invocatione Patris, & Filii, quod est falsum: Pal. p. 5. n. 11 Invalidus pariter est Baptismus collatus *In nomine Dei, in nomine S. Crucis, in nomine trium Personarum, in nomine primæ, secundæ, Et tertiae Personæ*, cum non explicentur tres Personæ secundum proprietates relativas. Baptismus collatus *In nomine Genitoris, Geniti, Et Spirati*, est dubius; nam plures cum D.Th. contra Cajet. apud Trull. docent, esse invalidum; alii vero putant, valere, quia habetur mutatio solum in verba synonyma, quæ ex dictis disp. i. q. i. c. 3. non est substancialis: validus est ex Trull. si dicatur, *In nomine Patris, Verbi. Et Spiritus S.* Porro invalidus est baptismiss collatus *In nomine Patris, Et Filii, Et Spiritus S.* vel si dicatur *Baptizo te cum Patre, Filio, Et Spiritu S.* quia sub his formis non exprimitur Unitas Divinae Essentiæ. Quod si dicatur *Baptizo te in nomine Patris, in nomine Filii, in nomine Spiritus S.* vel *in Deo Patre, Filio, Et Spiritu S.* dubius est valor Baptismi. At si quis baptizaret *In nomine Patris, Et Filii, Et Spiritus S. Et Beatae Virginis*, intendens invocare B. Virginem eodem modo, ac invocantur tres Personæ Divinæ, hoc est effective, seu ad efficiendum Sacramentum, invalide baptizaret, quia mutaretur sensus formæ institutæ à Christo; secus vero, si ob devotionem invocaret deprecatorie, intendens scilicet auxilium B. Virginis baptizato implorare.

## C A P U T III.

*De Ministro Baptismi.*

**M**INISTER valide baptizans, & in casu necessitatis etiam licite, est quivis homo ratione utens, etiamsi sit femina, vel excommunicatus, vel non baptizatus, dummodo saltem confuse intendat facere, quod facit Ecclesia. Ratio à priori est institutio Christi Domini